

**GIEHTARUOHTTASA LOGIHIS BOAZOÁIDI BURGOJUVVO**

Meahciráđđehus ollášuhtá duopmostuolu lágafámolaš mearrádusa, man mielde lobihis ng. Vasara boazoáiddi galgá burgit. Áiddi burgima lea gáibidan maiddá Giehtaruohttasa bálggus, mas lea ovddasvástádus guovllu boazodoalus.

Boazodoallolága mielde bálggus mearrida guovllustis boazodoalu ordnemis. Meahciráđđehus dahká bissovas áiddiin soahpamušaid guovllu bálgosiin. Giehtaruohttasa guovllus leat jo jagiid áigge nákkáhallan das, ahte ožžotgo ovttaskas boazodoallit hárhjit boazodoalu iehčanasat iežas atnui áidojuvvon guovllu siste, mii lea sierra bálgosa ordnen boazodoalus. Giehtaruohttasa bálggus ii leat dohkkehan Vasara áiddi, iige leat miehtan soahpat das Meahciráđđehusain.

Áideášši leat giehtadallan mánggaid jagiid sierra duopmostuollodásiin. Lappi gearretievtti áiddi burgima geatnegahtti duomus (j. 2003) leat váidán hoavvariektái, mii ii rievadan gearretievtti mearrádusa (j. 2006). Alimus riekti ii mieđihan Vasaraide váidinlobi (j. 2007). Suoma riektivuogádagas ášši lea giehtadallon loahpa rádjai. Gearretievtti mearrádusa mielde Meahciráđđehusas lea lohpi burgit dahje burggihahttit áiddiid Vasaraid goasttádusain, jus Vasarat eai ieža burgge áiddiid.

Duopmostuoluid mearrádusa doaimmahanproseassa leamašlan guhki ja giehtadallon mángga muttus. Meahciráđđehus lea muittuhan Vasaraid Alimus rievtti duomus geassit ja čakčat 2007. Čavčča reivves burgimii biddjojuvvui golmma vahku mearreáigi, muhto áiddi eai ávžžuheamis fuolatkeahhtá leat burgán. Meahciráđđehus bivddii dán maŋŋá Giehtaruohttasa gihligotti olggosvældinalbmás dahkangeatnegahttima doaimmaheami olggosmihtidanlága vuodul. Olggosvældinalmmái attii Vasaraide áiggi áiddi burgimii 30.6.2008 rádjai, man maŋŋá Meahciráđđehusas livččii vuoigatvuohta burgit dahje burggihit áiddi. Áidi lea ain eanaš oassái sajistis.

Suoidnemánus 2008 Meahciráđđehus evttohii Giehtaruohttasa bálgosii, ahte dahkat soahpamuša Vasara áiddis. Giehtaruohttasa bálggus attii álgočavčča biehtadahkes vástádusa evttohussii ja ođasmahtii gáibádusas áiddi burgimis oalle jođánit.

Lassidiedut: guovlohoavda Pirjo Seurujärvi, t. +358 400 125 782 dahje guovlojodiheaddji Jyrki Tolonen, t. +358 400 388 609